

Fo a San Marco et Rialto publicada la parte presa nel Consejo di X con la Zonta zerea il precio di le farine et formenti; la copia di la qual sarà qui avanti posta.

Da Cassan di sier Tomà Moro proveditor zeneral, di 27. Come hanno terminato levar le zente de l'impresa di Lecho per bon rispetto; et ha scritto a domino Antonio da Castello si lievi de l'impresa et ritorni a la volta del campo.

269• Dapoi disnar fo Consejo di X con la Zonta, et feno Cai di X per Zener sier Gasparo Malipiero, sier Hironimo Loredan fo del Serenissimo, et sier Hironimo Barbarigo stadi altrè fiade.

Item, preseno che le farine si meterà in Fontego messi li formenti a lire 13 soldi 10 li grossi, et li menudi lire 15 soldi 10, possi cresser soldi 30 per staro di più per il masenar et meter in Fontego.

Item, preseno che ducati 2000 tolti per avanti, et 4000 che al presente daranno la Scuola di San Rocho a la Signoria nostra, come di danari lassò sier Mafio Donado, siano fatti creditori al Monte del subsidio a raxon di 75 per 100, con condition che se caso venisse non si pagasse il pro' et restasse in camera per la quantità di pro' possino fuor tanti debitori di angarie, sichè sempre habbino il loro pro' per exequir la volontà del defunto.

Fu posto et preso, che atento non è stà mandà a palazo tutti li debitori di la Signoria nostra, per tanto tutti li scrivani debano mandar a palazo tutti quelli è stà depenadi et sono debitori, ovvero non mandadi per debitori in termine di sotto pena di esser cassi li scrivani de li officii havesseno. La qual execution sia comessa al Serenissimo solo.

Nota. È contra la soa Promission; che da si solo il Serenissimo nulla pol far.

Fu posto che li ducati . . . prestadi per il qu. sier Alvise Pizamano per andar Baylo et capitano a Napoli di Romania, qual andoe et stete zerca uno mexe, che possi scontar in le angarie si meterano soe 'et di quelli che aspecta la soa facultà, a ducati 200 per angaria. Et fu presa.

Fu posto li danari (*per*) expedir sier Tomà Contarini va orator al Signor turcho; zoè darli ducati 1000 a bon conto, 300 per . . . , 100 per li cariazzi del presente, 50 per il secretario etc. Et fu preso.

Fu posto la gratia di sier Andrea Contarini et figlioli et sier Gasparo Contarini e figlioli quali hanno mandà nave a Constantinopoli a cargar formenti, et si hanno offerto a le biave per haver il don, non voleno il don nè pagar pena, oferendo

havendo formenti, farli condur in questa terra; et impresta a la Signoria per ducati 500, et dona a le biave ducati 100. Et non fu presa. Andò mal.

Fu posto, per li Cai, che Zuan Batista di Lodovici, qual è a la Canzelaria con poco salario et traze le zifre, li sia dato ducati 10 al mexe, zoè 5 per Canzelaria. su tanxa di do Canzelarie, *ut in parte.* Et non fu presa.

Fu posto, et preso per non tediare il Collegio, che li deputadi a dar le elemosine per le contrade siano electi per con li Procuratori di la chiesa; et dove non è Procuratori, il piovane elezi 4, do nobeli et do popolari i quali elezino quelli che dieno dar il pan per quella contrà con esso piovane. 270

Item, fu preso che il dazio di le fave vien di Ravenna, possino venir, *ut in parte.*

Nota. Sier Luca Trun è sora le biave, el Procurator, volea proponer di far semenar a Lio et per tutto stara 2000 di fava, di quali si haverà questo April et Mazo stara 20 milia; ma non fu tempo.

È da saper. Li Proveditori sora la Sanità, sier Zuan Sanudo, sier Ruzier Contarini et sier Jacomo Pixani, per smondolar (*allontanare*) parte di poveri sono in questa terra et *maxime* forestieri, hessendo venuti molti piemontesi, havendo fatto dir per le chiese a tempo di la messa queste feste che tutti chi hanno piemontesi in casa si vadino a dar in nota sotto gran pene; et trovati alcuni, li deteno soldi 8 per un, et li mandorono via. Et cussi anderà mandando.

Morite questa notte sier Zorzi da Molin qu. sier Zuane, da Negroponte. Era rimasto ai X Savii in Rialto; ma non intrato. Stava nel monastero di Santo Antonio, al qual dava per spexe ducati 30 a l'anno, et 36 ne haveva di provision al sal; sichè imborsava 6. È stato XL Zivil, zudexe di Proprio, Sopragastaldo a Lignago et altrove. Li è stà trovà ducati 1800, di quali per instrumeuto ha promesso 800 per comprar una possession a ditti frati di Santo Antonio; il resto lassa *ad pias causas, videlicet* ducati 50 al vescovo di Chieti, ch'è del numero di heremiti venuti di Roma, et 50 a l'ospital de Incurabeli.

Adi ultimo Decembrio. Fo San Silvestro. 270• La note fo gran pioza; il zorno grandissimo fango. Veneno in Collegio quasi tutti li tedeschi mercadanti di Fontego a dolersi di certa nova angaria.

Da Bologna, del Procurator Pexaro fo lettere, di 28. Come, havendo li oratori instato Lutrech vadi avanti oferendoli artellarie et vituarie, par habbi comenzato inviar li guasconi et